



Na osnovu članova 8., 56., 57. i 61. Statuta Samostalnog sindikata radnika u BHRT-u, Upravni odbor na 36 sjednici održanoj 31.01.2023. godine donio je:

PRAVILNIK O DODJELI FINANSIJSKE POMOĆI ČLANOVIMA SINDIKATA

Član 1.

Upravni odbor Samostalnog sindikata radnika u BHRT-u (u daljem tekstu Upravni odbor) bira iz svog članstva komisiju od tri člana koja zaprima zahtjeve članova Sindikata za dodjelu materijalne i finansijske pomoći i uz konsultaciju sa ljekarom iz ambulante u RTV domu, obrađuje i predlaže Upravnom odboru na usvajanje.

Član 2.

Komisiju čini Predsjednik i dva člana kojima se može dodjeliti novčana naknada za njihov rad, a koju određuje Upravni odbor. Komisija se bira na mandat od jedne godine i može se produžiti odlukom Upravnog odbora.

Član 3.

Novčana pomoć se dodjeljuje iz sredstava članarine koja se uplaćuje na račun sindikata po obračunu i isplati plaće.

Član 4.

Od ukupno 100% prikupljene članarine za 1 (jedan) mjesec, u svrhu novčane pomoći se izdvaja maksimalno 40% iznosa, a ostatak sredstava ostaje na računu za ostale potrebe Sindikata. Pomoć se može dobiti jednom godišnje osim u izuzetnim slučajevima o kojima odlučuje Upravni odbor.

Član 5.

Zahtjev za novčanu pomoć može podnijeti član Sindikata koji je u članstvu najmanje 6 (šest) mjeseci. Prioritet u dodjeli novčane pomoći imaju članovi Sindikata za bolest koja im ugrožava život i koji prvi put podnose zahtjeve.

Upravni odbor može donijeti i posebnu odluku o dodjeli novčane pomoći za svakog člana Sindikata kojem je ugrožen život ali na prijedlog komisije.

Član 6.

Dodjela novčane pomoći po pristiglim zahtjevima članova Sindikata vrši se jednom mjesečno nakon uplate članarine na račun Sindikata.

Član 7.

Novčana pomoć se može dodijeliti i van određenog termina ako za to postoje hitni opravdani razlozi čiju hitnost procjenjuje komisija uz konsultaciju sa najmanje dva člana Upravnog odbora/ Predsjednikom/ Podpredsjednicima s tim da se na prvoj narednoj sjednici UO-a izvrši verifikacija donesene odluke o dodjeli pomoći.

Član 8.

Na istu vrstu pomoći imaju pravo članovi Sindikata za članove uže porodice a ona se odnosi na sljedeće:

- Supružnici ako su nezaposleni uz potvrdu o nezaposlenosti (potvrda s biroa)
- Djeca do 25 godine, ukoliko dostave potvrdu o školovanju ili potvrdu o nezaposlenosti i dokaz nadležne medicinske službe da dijete starije od 18 godina nije sposobno samostalno da se brine o sebi.
- Roditelji koji žive u zajedničkom domaćinstvu sa članom Sindikata , ako su korisnici socijalne pomoći ili nisu korisnici penzije uz odgovarajuću potvrdu iz Penzijsko invalidskog osiguranja (PIO), kućnu listu i CIPS-ovu prijavnicu ne stariju od 15 dana

Član 9.

Novčana pomoć članovima Sindikata se dodjeljuje za bolesti koje ugrožavaju život i radnu sposobnost člana sindikata u iznosu do 500,00KM.

U izuzetnim slučajevima Upravni odbor, na prijedlog komisije, može odlučiti i o dodjeli većeg iznosa , najviše 2 puta u godini, u maksimalnom ukupnom iznosu do 1500,00KM.

Poklon paket baby opreme članovima Sindikata se dodjeljuje za rođenje djeteta u iznosu do 200,00 KM, a potrebno je dostaviti Rodni list djeteta ili otpusno pismo iz bolnice.

Komisija ima pravo odbiti i ne prihvatiti zahtjeve članova sindikata definisanim čl.5 i čl.8 Pravlnika. Komisija ima obavezu u slučaju potrebe konsultovati doktora porodične medicine u RTV Domu a u vezi zdravstvenog stanja člana sindikata koji se obratio sindikatu sa zahtjevom za novčanu pomoć.

Član 10.

Materijalnu pomoć za korisnike definisane čl 8. u svrhu liječenja može se realizirati i uputom na liječenje o trošku Sindikata u iznosima definiranim u čl 9. ukoliko Sindikat ima ugovore o poslovnoj saradnji sa javnim ili privatnim zdravstvenim ustanovama, ukoliko je to povoljnije za ukupno poslovanje Sindikata.

Član 11.

Novčana pomoć članovima Sindikata dodjeljuje se i za nabavku potrebnih lijekova na osnovu izdatih recepta ordinirajućeg ljekara ili ljekara specijaliste ne starije od godinu dana, a koje član Sindikata koristi kao jednokratnu terapiju ili kao terapiju tokom kalendarske godine kao i za usluge liječenja i pregleda u državnim zdravstvenim ustanovama i to 60% od plaćenog iznosa, a maksimalno 200,00 KM. Za ovu vrstu novčane pomoći neophodno je priložiti originalne račune za plaćene lijekove, odnosno za plaćene usluge liječenja i pregleda.

Član 12.

Odlazak članova Sindikata na liječenje van granice BiH i članova njihove uže porodice što je definisano čl.8. Pravilnika a po preporuci ljekara Sindikat će pomoći u maksimalnom iznosu do 1500,00 KM.

Član 13.

Član sindikata u izuzetnim slučajevima oštećenja ili uništenja stambenog objekta u kome živi (kuca, stan) izazvanog isključivo u slučaju poplave, požara, snijega, vjetra i sl. ima pravo na jednokratnu novčanu pomoć u visini do 500 KM. Uz zahtjev koji dostavlja komisiji član sindikata mora dostaviti i dokumente (prijavnica, uvjerenje, potvrda i sl.) nadležnih organa o prijavi adrese boravka, kao i o oštećenju ili uništenju stambenog objekta. Zahtjev o dodjeli pomoći po ovom osnovu na sjednici UO sindikata obrazlaže član UO sindikalne podružnice iz koje dolazi član sindikata.

Član 14.

Ukoliko član sindikata koji je dobio novčanu pomoć po bilo kom osnovu od ovog Sindikata odluči da, u roku od 12 (dvanaest) mjeseci od dobivanja pomoći ne bude više član Sindikata, dužan je da cjelokupan iznos dodijeljene pomoći od Sindikata vrati odbijanjem putem platne liste. Nakon izmirenja te obaveze, njegovo članstvo u Sindikatu prestaje. Ova odredba se mora potpisati na ugovoru prilikom preuzimanja pomoći.

U slučaju vanrednih okolnosti po člana Sindikata koji je dobio finansijsku pomoć (smrt, otkaz i sl.), Upravni odbor može donijeti odluku da se taj član oslobađa od povrata novca koji je dobio od Sindikata.

Član 15.

Izmjene i dopune ovog Pravilnika vrše se na način njegovog donošenja.

Član 16.

Ovaj Pravilnik stupa na snagu 1. februara 2023. godine. Stupanjem na snagu ovog Pravilnika, prestaje da važi Pravilnik o dodjeli finansijske pomoći članovima Sindikata, broj 106/20220

Sarajevo, 31.01.2023. godine

Broj: 14/2023

UPRAVNI ODBOR
SAMOSTALNOG SINDIKATA RADNIKA U BHRT-u